



一〇一四

五八

話墮集

卷一



古今體詩七十三首

卷二

古今體詩七十五首

卷三

古今體詩六十六首



二萬卷書可買一
 千通金石備購且
 藏劇勞勸願後人
 勤講學故文早明
 義理皆與故無游
 藝時皆未勿廢墜
 如不... 是
 非人... 是
 族加... 是
 述蒼傳誠

話墮集卷一

獨游龍井

入山日色掩一路烏柏陰叢密翳修阻茲寺疑無
 尋夕陽慰我獨雞聲聞中林名泉注廢甃老屋荒
 烟沈大蘇與僧辯迹銷秋蛩吟莫謂竟無獲歷歷
 青遙岑

山居

卜築青山下幽懷自不羣風輕香結篆路滑砌生
 雲無事向人說將心對石云柴門殊寂寂清磬隔

西湖

釋篆玉

讓山

長示鄂
 振華西
 歸善書

溪聞

吳貢士焯同施進士濬厲孝廉鶚丁處士

敬過山房納涼

山圍菌閣晝悒悒坐聽高談不厭深蓋覆渠將禪
可縛分疏我敢口如瘖多情魚鳥增幽興隨意茶
瓜清暑吟旋繞池邊凡幾帀新詩都在蕩香陰

春雨

山抹雨絲青髻溼風回烟沼綠膚皺黃鸝故坐花
閒語亦似嘲人亦媚人

法相寺

○
掘衣躡沙嶺著意度花津忽聽穿林磬來參不壞
身爐烟昏古殿庭樹綠初春卓錫泉猶在真堪濟
世塵

春暮和張山人蘭韻

獨憐闌寂初收雨飛鳥窺魚下釣磯新綠陰中稀
客過落花風裏獨僧歸那知隔水有烟寺時聽疎
鐘來翠微山影不教春易去替人先爲掩柴扉

金處士農以洞庭春茗餉客次杭編修韻

深草已沒莓苔階蟲聲唧唧吟聲皆烟霞肺腑本
常淨清泉白石時爲齋秤量茗水無偏頗柏子香

消灰剩火沸湯恰當落葉初簌簌疑聞秋雨墮季
疵經被蝸涎蝕先生棄擲殘書側別有三昧問老
謙一壺冰雪浮春色

原作

仁和 杭世駿 董浦

木瓜樹大紛蔽階先生晏坐清影皆西風打窗
送涼雨秋士續續來高齋齋前石鼎平不頗童
子開門取石火忘言相對捶玉琴落葉忽驚飛
鳥墮拾尋篆字青蟲蝕掃葉煎茶仍樹側定甃
清泛乳泉香中有春初洞庭色

訪薛蓬客道士山居

小兆稱名後駸駸已忘年興來披鶴氅仰望降神
仙茶異世閒味筮分天上泉我爲幽隱至不是問
丹鉛

過田孝子 世容 守廬

頭白歸來省卜居赤山埠有舊林廬炊雲偶爲畱
僧飯漱石常耽讀佛書十載耕漁奴是伴一村梅
竹鶴同鋤情猶諱老嫌扶杖負手溪邊看種蔬

游聖因寺同吳別駕 元鑿

湖頭新改梵王宮龍象雲奔白社隆洵是那伽成
大隱却無小草墮偏空一塵不到竹閒閣六月常

言隱集 卷一 三
來水面風回首請君烟際望畫檐微露夕陽紅

施上舍安同姚孝廉大呂許山人濱林上

舍文元秋夜宿契原草堂

荷香不斷愜清遊浴鵠灣頭見泊舟尋我恰逢花
滿塢參詩且趁月當樓栖禽影冷枝枝露落葉聲
傳院院秋明日林閒分手去草堂還記白雲不

招賢寺看荷花次萬太史經原韻

搖風蓋欲飛映水花欲語對之傾樽壘小戶亦可
巨茲賞豈偶然要知天付與花好能幾時會合若
羈旅山雨曉來晴湖面紛霞舉清香時襲人轉覺

益歡緒歸棹溯空濛南屏在何許俄見月銜山照
我泊幽渚

李制府衛以舟招過曲院風荷看芙蓉同

王中丞璣張方伯适童蘇州華

院曲宜長夏山青最是秋避沙妨淺泊招衲合清
游枝亞堪藏鴨花深不蔽舟沿塘紀歸興蒲荻晚
修修

次吳舍人韻題萬峰山房圖

因境有樹故畫而我畫中無樹於今樹畫歷然萬
壑樹聲何處

原作

錢唐 吳嗣富 崑田

潺潺碧水一灣靄靄清陰幾樹扶筇欲訪高蹤
人在白雲深處

書贈吳侍御

蕩花村外泊扁舟云是先生認舊游萬里山川僧
共話十年魂夢月同愁晴看竹影題蒼壁雨驗鶯
梭織寺樓儻不嫌過頻問字攜琴代酒許余不

辛亥夏臥病南屏之清梵堂讓山衲兄以
詩見贈次韻奉荅 仁和吳 濤 旭亭

萬里歸來一葉舟病栖山寺息交游燈前夜雨

催朝雨枕上新愁雜舊愁遣興偶尋芳草岍懷
人獨倚夕陽樓無奇莫作揚雄擬許學東林靖
節不

飯繆太史 日芭 雙泉草堂

來茲一餐飯結客勝幽尋蘋藻兩池綠茶瓜干樹
陰斜陽窺不見清暑話爲深欲去復忘去應無所
住心

重過梁溪華藏寺于野草堂

憶過青山正麥秋當時那復計重游炎思于野堪
消夏夢想夫椒又放舟樹不多陰半邊老竹無罅

入比前修壁閒誰爲勤呵護字帶蝸涎句尚畱

宿毛氏擁青閣懷仲博士

蘊錦

潘四呈瑜

昏黃羣動息百感靜方興爲客一年別還家涼夢
曾秋分臨水閣風掃絡檐藤索句酬良夜幽懷寫
不勝

同巨心法兄訪沈歸愚先生

德潛

不值

村市不寂寞人家溪東西溪邊幾秋樹影壓寒玻
瓈綠蔭環短垣水涼飛鳧鷺朱霞夏天半可望不
可躋徘徊采香徑悵聞啼山雞

峴山懷古

日移霜葉影疎分水際人家半鎖雲浮玉有情橫
遠嶼窪樽無酒澹斜曛寒狐穴守明霞墓斷碣苔
侵逸老文照眼薜蘿縈廢甃晚風蕭瑟那堪聞

茗川客舍送潘孝廉

質厚

遊閩

客裏歌詩送客行梅花倍覺冷清清君南我北同
春色吳月燕雲兩地情莫謂星辰增寂寞儘多山
水應逢迎儻爲十八孃畱住望寄音書過

盛京

半月泉

欲潔一泓水當泉覆小樓從來云半月自古不中
秋雖可全身照猶疑破鑑浮螯龍如待釣何必遠

詩隆集
卷一
六
尋鉤

送白豆園主人

明章北遊

江聲卻值走寒潮
竚看橫秋翮漸遙
霜葉影疎津口樹
蘆花風細月中橈
日邊爾去增高雅
湖上人歸轉寂寥
異地烟霞如有句
寄來先望及漁樵

立夏日嶧縣舟中作贈尹太守

士份兼示

潘質直質粹二子

麩麥將秋四月初
柳青青外見村廬
雖無櫻筍酬佳節
喜有琴樽佐讀書
是處人皆堪語笑
須知道不別親疎
因時偶憶吾幽隱
雲漲碧岑湖上居

柏林寺栖心堂晤具宜尊者

纔來薊北目無親
偶晤天中舊主人
老大尚甘酬物望
後生寧不壯精神
倦趺蘚石雲生滅
涼臥風檐月滿身
欲過院西頻請益
恐師嫌數每逡巡

月下聞雁咏懷呈愛月居士

一瓶一鉢寄閒身
山水盤桓到處親
深夜忽聞沙際雁
關心最是客中人
月疎柳影秋將盡
時望鄉音夢亦頻
動隔經年千里外
蘋花風冷授衣新

乙卯春重過西山法海寺

三月云將盡春行
正是時怯寒花半
放無力柳常

敲雨宿昏巖寺苔侵剩壁詩未曾言別去相訂再游期

還山月餘對新荷憶海少司農望

憶晤瀛仙署南歸又月餘君多長可念我竟嬾無如野性宜正壑庸才愧 詔書水涼山寺靜風戰綠芙蕖

琴臺看梅

徑穿叢竹上琴臺臺畔梅花已徧開春靄暖聞香暗度山亭餘照影斜來意疎擬似池邊鶴屐緩無妨樹底苔咫尺不愁歸路晚一鉤晴月且徘徊

次韻

仁和黃樹穀松石

法華臺上憶琴臺聞道梅花已徧開春到豈無人共訪夜深應有鶴重來何當踏月參疎影却恐題詩破古苔妙筆清真見香色一回吟誦一徘徊

送鄭履仁冒雨歸桐橋次怡賢主人韻

水村山店掩柴門古岼垂楊帶雨昏借笠蓋頭歸興好雨絲風片蕩吟魂

秋興

風傳砧杵客驚心池館新涼秋水深庭際古烟籠

言隱集 卷一
柏影簾前疎月破桐陰誰知至道非關學我笑元
蟬盡力吟此日西湖頻在望蕩花香繞碧雲岑

題九芳同參濯足圖

腳根穩當已多年濯處堪稱悟道泉放下經行閒
拄杖更從誰覓草鞋錢

坐小吳軒同蓮峰大師茶話

瀟灑心情空復存小吳軒共話寒暄雲蹤無定任
南北秋思偏多易曉昏萬竅作聲風在野衆山如
洗月過村垂楊疎落烟遮處隱有扁舟泊寺門

冒雨登烏石峰探梅

待春晴好恐摧殘巾子峰頭冒雨看是處溼香來
繖底徧身空翠逼蓑寒絕無人影聞疎磬但見橫
枝繞碧湍七十二庵深竹裏幾多秀色有誰餐

題胡逢年蕉陰書屋

入野見茅屋蕉陰高覆牆那堪愁裏聽最是雨餘
涼綠暗橫琴石清分看月床結庵如許我得句願
書將

庚申立春後一日游竹素園

煖融檐溜雪初晴池水頻添綠漸生梅不待春同
臘盡枝還有意向人橫無多个竹宜名素卻有垂

詩隱集 卷一 九
楊好繫情再著屐來深二月陰濃臺榭坐聽鶯

次韻

錢唐 徐逢吉 紫山

入春最喜見春晴指點名園春氣生芳草漸依
三徑綠梅花猶剩一枝橫冰開池水疑無底風
動簾衣似有情記得去年櫻筍候曾於此地聽
啼鶯

又

錢唐 張世榮 無夜

却來湖上喜初晴竹素園中春漸生巖際冷雲
風色動澗邊新綠雪枝橫散花天女芳菲意觀
樹神僧澹漠情園在花神廟仄仲蔚獨眠蒿徑滿欲期

黃柳聽黃鶯

契原草堂看梅有懷金吉士 文淳 馮孝廉

浩 汪編修 師韓

倚檻獨看梅疎香忽遞來冰心愁遠寄驢背憶馱
回榦老籬撐住花寒月曬開橫斜苔畔樹曾記日
徘徊

次韻荅丁處士

高處無炎那計涼疎花叢桂滿巖房道人不合獨
消受居士肯來聞妙香綠暗紙窗延豆蔓舞翻梧
葉漏天光我無隱話急相語莫使莓苔冷石牀

原作

錢唐丁敬鈍丁

一壑松風六月涼
人閒最是篆公房
未須白社蓮花漏
自有黃龍木樨香
窗外鐘聲連鳥韻
林閒月去并湖光
何時清話酬三宿
瀟灑同師共石牀

辛酉午日茸城張司寇照過訪傍晚即送
其同封翁竺西先生歸梅渚別業

斜日猶簫鼓遊人興未闌
顏從五茸改心爲大夫
酸峰影上樓碧湖波侵晝寒
西溪明月下歸坐釣魚灘

題閻運判沛年生還圖

得無矜喜失尋常
世戲從無不歇場
覓取好詩紀歸興
宦情正壑兩都忘

七月十九日拜母遺真敬述

獻歲幾傷我秋初反哭親
挑燈顧子影傾酒拜遺真
識幻堪無淚知恩倍悵神
蒲鞋向懶織深愧不
如陳陳尊者織履賣以養親見傳燈錄

題天山攬轡圖

犀奚古縣密雲中
作力塵沙四塞風
一種情懷向誰洩
蕭蕭寒曝叫冥鴻

雨後桃花港曉步

曉岸含春雨垂楊綠漸勻多情無過鳥到處若畱
人如此清幽境宜於不繫身泥香沾屐齒徧踏落
花茵

雨後過金處士農昔邪舊廬

晴不出山雨不行不晴不雨訪先生熱腸冷眼酬
知己童子無言市有聲

輓王上舍德淮

病阻看山約山中訪我稀豈期閱歲別竟作百年
違零雨灑原草陰雲寒夏暉竹林游徑在每過獨

歔歔

題畫寄懷黃處士昇

百頃風潭似石湖水窗搖動有青蘆幽人饒有閒
供給蓮葉堪衣米在菰

次韻酬杭太史沈編修

吾廬圍萬峰夙與塵境絕晴尚少過從雨更無人
跡頽塔類醉翁蒼茫身半沒竹樹蕭蕭聲涼影散
清樾先生金閨彥心地自超忽乘興偕入山山雲
勿爲隔寒翠漬衣裳風吹溼漸滅高吟苔山靈得
句慰幽寂我亦歡喜生寧肯忍鈍拙橫琴默不彈

對茲山水碧

雨過淨慈契原草堂聽讓公彈琴作

杭世駿

蕭條櫻羅林一雨轉清絕
穎師淨名室孤影澹
行跡棱棱木葉衣瘦
馱遮不沒餘事出聲聞
結想渺林樾散作一指禪
觸響動超忽七條泠泠
絃不與山水隔晚花散
餘香幽徑豔還滅天高
風露澄戒縛破枯寂潭
潭木石心鉤撥尚古拙
老猿躡月聽遙峰墮空碧

次韻

歸安沈榮仁
葭村

放舟西郭門過雨聲未絕
涼飈吹衫襟炎歊遁
無跡紅蕖或低昂白鷺幾
出沒高岡俯湍流精
舍隱林樾導師迎客笑
歲月話飄忽哦句禪味
深揮絃俗情隔逢場每
閱世萬象紛起滅湛然
靈府中常照卽常寂余
亦願證明機鋒苦鈍拙
何時演三車聯席對寒碧

題山舫觀湖圖

牧牛行者過峰頭圖我無帆
沒槳舟舟固繫巖心
不繫雨奇晴好在湖遊

春日登烟雨樓

我來晴亦好何必雨中看水濶眼先到春朝露未
乾一帆卸樵李百里見鹽官小犬向空吠片雲歸
淺灘

韜光坐飛雨軒作

一泓潛注類鶩漿鎮日涓涓為底忙不是單酬僧
願已還飛作雨荅農桑

浴鵲灣晚歸

村逗荒烟數家小寺藏秋樹一僧歸人人祇解遙
搜索剩得好詩鴉背飛

題竹西園

幾回欲買竹西舟今日翻從畫裏遊隔水蒼松千
點翠照人明月二分幽固無陳迹關清夢難忘遺
文在選樓暫別重湖定相訪涼聽歌吹入新秋

送許少府士杰之任扶風

原似長蛇山犬牙漳川漆水瀉鉛華政閒儻有情
懷古為我攜樽早放衙

筧橋道中

冬瓜稅罷路蕭蕭黃鶴峰青是筧橋最愛此中無
俗聽酒歌時復雜村謠

夏日寫懷

市南街北苦炎煎五月山房未折綿不是阿師遭
冷厄祗應買熱爲無錢

水樹圍庵在上方從無熱惱到巖房松風不斷六
七里狼籍山中多少涼

顧明府之珽同人集山房避暑摘韋蘇州

精舍避暑詩廿字分韻

苔蘚日封徑客至尋舊蹤相於久茶話轉覺便疎
慵室敞許雲住竹深無暑通夕風起蘋末忽殷寺
角鐘

過勾畱處書贈朱秀才麟應兼簡祝孝廉

維誥 錢貢士載

續櫂歌成好補圖風流如見小長蘆招僧日共尋

詩舫六月荷風裏外湖以續駕鴛鴦湖
櫂歌見讀

月

皓魄臨軒候何須秉燭遊他山無異照此處覺清
幽戍壘縈鄉緒花津漲膩流坐深涼不寐如夏復
如秋

自題竹趣圖小照

乘涼木榻坐無期綠愛新陰看竹移聞說此君能
療俗故圖形影就君醫

還有涼如竹下麼慣來竹下小吟哦幽閒莫道人
無分何似山僧管領多

附同人題竹趣圖聯句

深竹有幽趣坐聽琅玕聲顧之筵中有靜者影
簌簌清涼生周京虛中起妙悟直節見高情魯
曾煜九白坐禪定對青識嘉名厲鷄彷彿綠天
庵風露飄縱橫施安萬竿鳳尾密幾個雞腔輕
汪臺畫比淨照揭偈似多福呈丁敬寂應雨餘
磬韻叶風中鐺杭世駿涼霰落夏簟翠色圍山
楹張燴小年日卓午秋信暑伏庚吳城何時就

林中同參玉版烹許承祖

與范侍御

長發

陸秀才

載紀

太子灣散步

涼意愔愔掩薜蘿寺門相約數經過池塘到處堪
圖畫葵莧青黃鴨睡波

雨過杭太史抱經亭

古桂森刺檐陰陰蔽深敞我來纔雨餘尚滴雨聲
響偃臥遲歸雲抱經絕俯仰天台靈鷲峰清夢或
來往野話固不爲物移今爲境所妄秣恐雨復來歸
山中想從不爲物移今爲境所妄秣恐雨復來歸
去再相訪山屐躡市塵垢淨迴然兩何時結圓菴

清平山之上辰夕便過從奇文相與賞

六月二日雨後周運判宣猷偕蔡廣文以

封見過

雨先堀堞倍煩增雨後清涼還未曾笑謂冷官難
療熱買舟偕訪住山僧

話墮集卷一

話墮集卷二

西湖 釋篆玉 讓山

西湖荷花歌

長日山游不寂寞扁舟復棹湖中央鷗飛魚跳各有
適客情我意俱相忘不須妝點青芙蓉自有色
溢紅朝陽水空一碧炎歊歇酒吞十里清芬香風
露洽人詩思深荇藻牽影衣裳涼青蓋歷亂亞波
立一朵特起孤鶴翔娟娟滿淨天女面默默善酬
濂溪郎南屏一幅寄歸興緩緩打槳沿橫塘

瓶花齋看漳蘭

言隱集 卷二 一
暑雨不數點幽香盈小窗花清寧有敵葉瘦已無
雙涼蔭絡藤蔓華滋瀉酒缸閒園重注意石丈影
幢幢

讀易圖爲粵西疊綵山長陸太史 奎勳作

何須五畝宅客裏有山居儘可消長晝難忘是讀
書白頭窮一畫青簡著盈虛他日毋勞想披圖易
識渠

雨中同沈學使卽景集字

垂楊著疎雨涼繫米家船山靜諧幽論詩清入綺
禪石屏繡碧蘚村墅市孤烟鷗鳥亦多意翻飛紅

萬天

同集

沈榮仁

訪寺纔移艇人言晝雨妨溪回紛白鷺路滑誤

紅墻 精舍舊路新爲墻隔 弄筆仍滋露舒眉又倚牀 予午飯後

必一 投機覺歡喜今昔兩俱償 小憇

夏日同周上舍 京 胡進士 號 金副使 志章

厲孝廉 鶚 梁太史 啟心 金處士 農 杭編修

世駿 過瑪瑙寺訪後僕夫泉

前僕夫泉宋僧智圓濬在孤山下元僧芳洲
藝竹得泉名後僕夫泉在今瑪瑙寺殿側

我本無外營動與山水伍聞尋僕夫泉葛衣輕欲

舞荷風熏酒香烟光膩柔櫓寶雲仍嗽唵瑪瑙荒
誰主側徑橫斷碑漉漫徒領頰一勺當殿門碧漱
髭堪數僧彌汲試烹甘香歲月古喜得澆渴遊餘
滴化爲乳宋圓與元洲名與泉共譜瘦竹故吹陰
蕭蕭清肺腑高蟬抱葉吟西村夕陽樹俯仰迹已
陳逡巡湖之滸涼催感舊詩幾點蒼茫雨

立秋後三日同人雨泛

新涼最是雨纖纖青箬篷窗代織簾一隊鷓鴣仍
渚宿幾聲鴻雁爲秋添荷無認處衝烟艇柳卻多
情露畫檐我輩固稱都不染惟於山水獨傷廉

復園池上紅板橋新成效白香山體

趁此新晴有夙招柳絲圓笠共蕭蕭野塘流水分
疎徑碧檻紅欄見短橋立處任憑鷗影占望來只
欠酒旗搖烟波不少尋詩客畱待斜陽繫畫橈

題燕南趙北圖寄索張明府

芸

黃孝廉

梁

和

駝圖牛牟載麥車棗陰籬落是村墟絲絲柳緒縈
鄉夢追憶歸乘賜竹輿
生鹽變赤水潺湲曾案圖經訪舊還不見吾正讀
書宅一痕峰影鬲津山

幾箇漁舟數點鳧水田清淺徧蔣菰深慚嬾散無
如我空憶月明人倚梧

同徐孝廉錦施秀才曾錫訪北山主人不

值

楊柳陰濃水掩扉空來驚起鷺鷥飛城中好句應
難覓明月滿湖遲未歸

萬松書院重修畱月掬湖兩臺山長魯太

史曾煜集同人以落之用王荆公泝亭詩

韻

兩臺峙宿莽老樹森亭亭坐挹衆山綠俯瞰全湖

青魯侯談經暇集客心纔寧秋蟲似人語雜感聲
無停石壁通江光直可名江櫺歸當雨初歇涼蟾
烟中冥

八月一日雨集梁氏桐乳齋

山僧見慣湖上山結想未經此文圃西城太史招
之來庭前老桂著香甫况復羅列多士筵我亦何
憚衝風雨輕寒頓忘蓑笠重市淨浣清腥垢土青
桐特立簷溜繁小山瘦削莓苔古簌簌細篠搖秋
聲盈盈海棠滴紅乳矮淺臺榭坐不拘觸目琳瑯
喜無數歸歟何必輓輿扛扁舟已具荷花浦

采菱曲

采菱艇子出蒹葭旋采旋將兩手撻魚亦憐農秋
水影誤他爭唼鬢邊花

中秋日登南屏觀米南宮摩厓琴臺二字

分韻得六月同顧明府之珽周上舍京鄭

侍讀江金處士農汪徵士臺杭編修世駿

丁處士敬許孝廉大綸梁太史啟心施上

舍安厲孝廉鶚吳上舍城陸貢士騰

自識與世疎常宴坐巖突羣公集南屏同叩布琴
窟披榛為先驅犖确危徑滑古藤縈秋陰空翠綠

眉髮石亭峙高嵌方丈可十笏憩瞻海岳書側見

涑水碣劖刻七百年儼存顏柳骨山靈畱躋攀勝

蹟未云沒衆響叶吟嘯松風墮飄忽潭影互林光

夕陽下飛鶻客亦念歸興復登度湖筏獨倚小竹

門遲茲正圓月

題竹院逢僧話圖

寒翠清陰竹數重浮生豈是等閒逢現前山水固
堪話還有商量在別峰

冬日平山堂遊矚

木蘭院中飯飯罷出郭門清霜厲廣野疎柳搖空

園古冢黃葉堆雷塘誰招魂人烟極荒率數里才
 一村新畬麥冬茁紅橋斷歌舫感茲境寂寞孤懷
 難為言倚松憩倦足下眎風塵奔蜀岡不改觀歐
 九名並存隔江暢遐矚潤州浮青痕無術挽曦晷
 牛羊下夕原山寺二分月徘徊遲黃昏

次韻酬張徵士

萬峰最深處獨我一茅庵只許雲同住更無人與
 探遠承瓜餅供見訪薜蘿龕快雪遊曾記君詩合

共參

馮夢禎祭酒
有萬峰游記

原作

平湖張雲錦鐵珊

曉雲迷曲徑深鎖萬峰庵夙有高僧住今來暇
 日探檻窺山似畫樹隱屋如龕祭酒文堪讀摩
 厓試一參

孤山看梅

雖無鶴影伴橫斜依舊莓苔裏樹榦瘞骨尚憐春
 冷落東風開徧墓門花

金秀才

吟

同丁大

健

從孤山來

落葉蕭蕭歲暮天兩詩人結入山緣問來處士梅
 花信傾在南屏茶話前羃歷有聲村隔岸模糊不
 辨水生烟箇中儘有消閒境莫漫尋詩早放船

詩隱集 卷二 六
吳處士因雨畱宿山房

煩覓幽蹤不待晴拖屐雙屐雨中行散衣禮佛能
無事拂石題詩忘寫名花忽試香紅漸破池無流
響綠添平村歸明日聞分菊恨不相從結耦耕

同集字

仁和吳穎芳 西林

細雨軒窗送夜寒晨看檐外漲清川片雲噓墨
掩羣翠短棹荷蓑衝遠烟笑擁禪衣忘故態懶
還詩債總高眠林塘試待新晴好曳杖重期踏
冷泉

雨後集雲居望湖上諸山

雨止整游屐清思遂紛紛微風拂林杪疾卷陰壑
雲典會固無適登陟從所欣修廊展遐矚物態呈
殷勤重湖界若罨山暉鎔氛氲羨彼衆峰影徧繞
荷香熏天空愜晴望連袂忘遽分側行淨莎圃示
我瘞髮墳各循城坳歸喧寂兩不聞回首綠沈寺
啞啞鴉叫羣

同人訪孤山白刺史竹閣

竹閒遺跡約同探閒把扁舟泊水南長慶閣從何
處覓龍孫輩喜有僧諳靄沈孤嶼涼深夏晴漲層
雲綠一龕刺史風流勞想象只將堯率問瞿曇

夏日次許孝廉 大綸 過訪韻

山居深寂寂相契本無多不住聽啼鴟
常青對薜蘿冥觀乾有象枯坐井無波
芟草課童子何曾爲客過

湖山當戶牖山勢碧嶙峋不是竟忘夏
本來無熱人竹齋頽欲葺蘿葉補仍新
一笑空諸有何妨道作鄰

中元日陸秀才 開泰 招同北山釋 明 中月

泛

陸子具茶瓜招要踐宿訂萬山沈水雲
一棹溯烟

暝少焉月漸高世界琉璃瑩顆珠躍素波
閃爍光難定伊我兩人緣不淺清遊興
畱船宿蕩花消受月無剩

鳳皇山尋祖無擇介亭遺址不得

鳳山橫亘南屏隅里許幽尋獨我便一徑
蒼筤故宋基蕭蕭涼籟秋初徧排衙亂石
森相倚介亭遺址終不見賢守風流憶祖
侯七百餘年速飛電蘿牽棘刺如有情架
入其阻足忘倦鏡天湖似磨青銅抹坤江
若懸晴練陳迹滄桑自古然夕陽歸促
無多眷旁搜剔隱殊未窮八日期重踐

秋日南屏坐雨

黃妃塔影曉霏微。山色蒼茫碧四圍。妨帽略刪捎
徑竹。延賓方啟傍巖扉。一聲柔櫓衝烟出。幾點閒
鷗背。雨飛我亦願同湖上去。擬將荷葉補秋衣。

同作

仁和顧之珽 月田

迎眸秋景入山窗。冷翠涼飈近佛幢。插漢浮屠
破烟靄。倚天石骨寫崆峒。游蹤杖底何能徧。詩
思人間未肯降。試聽疎鐘流響處。雨餘空澗荅
淙淙。

又

錢唐周京 穆門

雨腳西馳雲腳東。半空飛灑翠玲瓏。雙峰陰起
下塘溼。合澗泉來滿樹風。丈室涼生蘋葉綠。寺
門香入蕩花紅。南屏有客畱詩去。望盡闌干畫
遠公。

又

錢唐金志章 江聲

萬峰高處倚秋清。涼入衣裳爽氣生。檻外明湖
開半鏡。雲閒殘塔隱孤城。老空世味耽禪悅。靜
下疎簾聽雨聲。欲試阿師三昧手。還從竹屋問
茶鐺。

又

錢唐朱樟 鹿田

南屏峯轉路紆徐。雲腳空濛抹太虛。一角山昏秋欲晚。滿窗葉戰雨來初。醉翁尚認黃皮塔。妙句空聞金鯽魚。喜得謙師善茶事。瀉湯遙荅午鐘餘。

又

錢唐厲鶚樊榭

俯視僧樓但雲氣。滿林飛雨攪秋懷。平沈遠岫墨初潑。淨洗平湖鏡乍揩。涼向松窗分白衲。溼愁蘿徑阻青鞵。黃妃塔下空濛裏。記取炊香共午齋。

又

錢唐張湄柳漁

白石虛櫺秋水環。黃皮舊塔夕雲關。荷聲冷帶跳珠雨。鐸語遙飛潑墨山。鳥逐漁舟投港外。人依禪榻嘯篁間。絺袍無復緇塵浣。廿載重來鬢就斑。

又

仁和汪臺復園

石壁峻嶒手可捫。午鐘寂歷靜無喧。軒窗坐久宜聽雨。松竹行窮始到門。雲氣半遮山下路。秋光早入水邊村。清虛此腹便蔬筍。更欲從師契妙言。

又

錢唐施安竹田

覓句禪房記舊曾。獨穿修竹路層層。濃雲擁樹湖先暝。涼雨到窗山欲鷹。菰米自炊畱客好。蘿衣半卷覺秋增。鑷頭廿載因緣在。試語當時掃葉僧。

又

杭世駿

已公茅屋愜幽期。把玩秋光坐不移。過雨始知泉脉大。得風頻詫樹聲奇。香廚施客遲聞磬。竹戶邀山短著籬。同有鬢絲禪榻意。不妨吟到日趨時。

又

丁敬

山風吹雨洗秋心。散入湖南蒼蘆林。遠寺烟生雲外畫。高臺泉落石邊琴。塔荒空問黃妃字。釜壞全消帝子金。倚檻蒼茫意何盡。擬拚莎笠一相尋。

偕路秀才

連城

潘二

為

泛舟至就莊邂逅

金觀察

志章

張進士

慎言

陸明府

培

小艇三人共湖風。入話清漁歌出烟曉。鷗影掠波晴正欲尋知。已不期逢老成。踟躕疎樹下一葉墮。秋聲

集曹上舍

芝

洗句亭咏方竹

言隱集 卷二
幾個簌簌傍井廬涼陰半壁雨餘初質方何必裁
爲笛節直真堪刻作書握覺有稜常詫俗倦歸無
賴合思渠主人若肯分貽及從此山游代筍輿

同厲孝廉鶚陸貢士騰遊壑庵

屈曲疎籬護野扃過橋小憩豆花屏樹聲滿壑秋
初到山影一池泉洗青寺廢久無僧頌竹臺荒剩
有石書銘清游記取歸時路斜日半竿烟未暝壑庵

古典福寺基上有元至正閒周昌琴臺銘

同作

厲鶚

西風曳杖探深幽緇素相攜盡勝流垂老未能

專一壑此行可謂續三游眠雲磐石和衣冷瀟
水空池徹骨秋記得琴臺摩碧蘚殘蟬又噪樹

梢頭

丹楓同徐秀才夢元作

漸無綠葉蔽涼蟬火繖撐空喻最妍霞襯幾家殘
照裏錦添密樹報秋先落陰聲若干林雨媚冷紅
疑二月天客愛停車毋覓句吳江佳話至今傳

秋晚同金觀察志章江太守源丁秀才健

從南屏至石屋轉循穎秀塢過法相寺禮
長耳定光佛真身

同志樂山行相將出靈鷲難得風日佳際此深秋
候烏柏雜丹楓晴霞絢巖岫一味蒼疎聲畧不逞
妍秀石屋沈荒榛野燒出烟竇真入異類行木佛
宅猿狖參彼不壞身棱棱如石瘦枯坐八百年纖
毫無滲漏回眎脆幻形起沒埒浮漚世運雖密移
佛性自恒壽何必感滄桑踟躕夕陽後

題集修上座小照

茅檐我愛竹風眠爾喜經行泉石邊定動任教人
檢點大家不講老婆禪

立冬日陸貢士招同南屏山看紅葉

風來漸覺露茅茨落木蕭蕭總入詩幾處樓臺酣
夕照一村楓柏逞妍姿摩厓曾記飛霜候看畫重
逢掃葉時最是小春憐寂寞莊嚴巖岫點胭脂

同作

錢唐許大綸初觀

一度來游一灑然晴湖似鏡寺門前嵐光澹蕩
含幽翠樹色紅黃冪曉烟野外停車應有客林
邊結屋是何年老謙住此酣清福挈我同參畫
裏禪

又

會稽魯曾煜秋勝

照眼丹楓泥殺人搗來我共此山鄰子居山誰云

樂事年年減東坡游淨慈句看盡秋光樹樹新峰外斜
陽添遠色塔尖霜氣落經旬憑他殘葉蕭蕭下
樓上衰顏中酒頻

又

仁和梁啟心葭林

夾路丹楓導我行精廬重到眼還明西來幢蓋
虛空見南渡胭脂點染成舉酒欲邀殘醉在登
樓忽動晚秋情黃妃塔下歸何暮人影猶疑傍
赤城

又

錢唐金農壽門

烘霞絢采勝春游縱目楓林爛漫收一衲貌如
石門叟高人袖有柘湖秋此中真意堪消日方
外清談可散愁聞道南屏金鯽好八功德水訪
千頭

又

錢唐吳城甌亭

不辭破曉過精藍為愛楓林取次探淡淡雲疎
橫塔杪蕭蕭落葉滿湖南幾行雁影尊前度一
片秋光畫裏參卻羨支公無个事掃餘煮茗借
清談

又

錢唐范肇新容安

輕舸小泊蕩花灣步轉霜林石徑斑寺角遠掀

紅影外吟身直上錦屏閒寒聲策策鳴幽壑霞
纈層層散晚山卻憶楓香十年醉又驚搖落在
鄉關

又

海寧許承祖復齋

素節初更日漸寒紙窗禪榻足盤桓菰蒲未改
空洲綠楓柏常先野木丹欲畫卻愁難畫得似
花仍不作花看天公有意新人目點染斜陽照
遠巒

又

仁和江源岷山

霜葉爛遍入望賒樓高不畏有山遮西風吹作
一林雨老樹晴添未夕霞隔岸涼波移遠棹到
窗疎影集歸鴉更看柏子梢頭白疑似江梅小
著花

又

平湖陸騰雲軒

南山落葉漸繽紛綠褪丹凝促綺紋應爲白藏
張錦幄忽教青女鬪榴裙色隨夜月霜初徧影
逐晴霞日易曛坐對不知秋欲盡小春春色已
三分

方朴山先生

黎如從嚴陵來同集吳氏瓶

花齋

憶坐藤陰隔夏涼
重來霜染葉青黃
深寒簾護秋痕在
微皺檐垂袖子香
茶話不嫌荒寺衲
文章合問錦溪方
林亭如畫淹歸興
一桁遠山橫夕陽

法相寺竹閣觀李長蘅先生畫壁次金副

使韻

深竹蔽檐日易昏
重泥畫壁嗟無存
模糊不辨雲一角
注視始識墨剩痕
紅葉艷扶樹影瘦
晴霞夕烘溪流溫
薜蘿縈結護老屋
瑟瑟似招先生魂

原作

金志章

古寺淋漓畫壁昏
檀園人去迹空存
風流想見

承平日文采長
畱舊墨痕竹色半
窗斜照冷茶烟一
縷佛香溫重看已
似經殘劫蟲篆蛛
絲易斷魂

斷魂

正月十日同孫

廷鑑汝馨

兩孝廉湖樓晴

望

我殊世俗畱連客
看畫樓頭但茗樽
隔岸山橫重疊雨
幾家烟譜有無村
魚磯忽見鷺爭浴
花港晴添綠漲痕
無象太平還有象

東坡句


夕陽原上散雞

豚

春寒效吳體同厲孝廉

鶚

陳檢討兆崙施



原件短缺

P16后缺

秀才謙全吉士祖望顧明府之麟丁處士

敬吳上舍城杭編修世駿張侍御湄戴上

舍廷熿

山頭獨屋雪圍繞畏寒不出顏如癡一龕且作曲

彖坐半月絕少推敲詩細燒楮袖敵奇凍密糊紙

閣延新曦春風固不為梅力浙浙似遲梅花吹

焚虛上人招同王邑侯緯閔明府公銑孤

山看梅

春風送梅信期看有龔黃巖際白雲滿樹頭寒蝶

忙各依花下坐同得水邊香處士魂應在暝湖歸

話墮集卷三

西湖 釋篆玉 讓山

閏三月三日湖上脩禊仿蘭亭體各賦四

言五言一首

猗猗閏春鬱蓊夢葑羣集曲流觴咏濯醜詼酬閒

作瑩無理礙益我鈍拙悟言元對

微雨過青山山青雲復冥杳靄傳清鐘空濛夏烟

艇道固泯諸有幽懷殊炯炯撫檻一臨流浮杯斟

苦茗

初夏金副使志章同丁處士敬過山中煮

言隱集 卷三
豆爲食食畢各紀以詩

厭彼車轍迹訪我山中雲好懷良不孤陟嶺同殷
勤煮豆說方土邵氏前朝墳易以作清供所欣無
人羣紀事先得句呈佛兼呈君

西湖競渡曲

紆如疊鼓樂忘歸水戲人皆半臂衣驚起夕陽雙
鷓鴣外湖仍向裏湖飛

龍舟都欲銜新奇閭巷名書壓柁旗我國晏然人
自鬧他心三藏合難窺

缺瓜艇子截湖波輕疾如飛打槳過者段風光須
記取黃油繖底影婆娑

永明室在南屏麓重湖茂樹清蔭幽深盛

夏常坐臥於此殊別有一境也同王秀才

曾祥龔貢士望之作

一寺竹梧影風來徧界涼有誰乞分與而我願輸
將斷塔尚沈雨明湖猶夕陽冥濛及朗晃窗下豆
花香

移榻蕩花側解衣樟樹邊一村初過雨到處亂鳴
蟬聽眺有殊趣慵疎無別緣久違山下路爲被薜
蘿牽

言
卷三
三
居雨望同許孝廉 大綸 楊秀才知及明

恒清懿 兩禪人

濛濛一湖雨倏忽鏡乍函散入蒼葡林盈耳鳴松
杉複嶺剝斜照倚天青巉巉宛如井西畫眼渴縈
秋饑遠澹總詩思涼氣歸單衫雲亦作幻住同我
還重巖

同黃處士 樹穀 柳貢士 溥釋 明中 觀中峰

國師麻履

緬懷師擔簦烟霞涌遊足茲履徧塵刹卻無俗塵
沃已歷數百年麻色新未觸漬有草露香脫盡古

苔綠啓我別峰行精勤敢不勗所以久瞻對山月
墮空曲

酬諸公見過

幽居事事總蕭閒籬不安門懶啟關有艇撐來沿
北郭約僧同載訪南山涼鷗掠水參差見老樹先
秋次第斑此外別無清客聽一溪寒玉寫潺湲

秋日泛舟至南山訪讓師 梁啟心

秋空頃刻幻雲嵐水色重湖盡作藍把臂不遺
方內外放船直抵岸西南松閒徑肯緣人掃花
下犀首為客談小啜茶瓜分半榻今宵真个佛

同龕

前題

顧之麟

又移烟艇逐鷗鳧作雨涼陰漸滿湖山影似離
天尺咫寺門仍隔水模糊已知興發何容懶況
是人閒不待呼丈室維摩無恙在叩關一笑問
僧雛

又

施安

蕭然野憤共清游又趁涼陰上釣舟山北山南
半藏寺湖雲湖樹總宜秋得論茶事通三昧暫
掃經牀爲小畱雨不催詩還卜夜倚闌同聽響

泉流

又

釋明中

苕涇船脣打槳遲烟波澹蕩早涼時疎鐘忽度
秋陰薄曲徑閒隨竹色移前夜清遊貪看月故
人相訪只參詩琉璃燈下憐癯影謙老茶經是
我師

諸公畱宿山房

萬籟齊一吹涼飈拂天運有客來南屏秋聲夕隱
隱循廊暝延矚不辨山遠近大道本寥廓觸發有
情愠見等虛空榮頓了無分眷茲清寂夜蕭蕭

竹根言瓜倦不支曉色侵燈暈

夜宿萬峰

梁啟心

我來南山陁路出松篠下愛此秋半壁一榻從
僧借露涼草蟲咽笈密巖泉瀉遲月循虛廊湖
影忽相射篝燈三五點認是魚蟹舍禪棲本清
絕况復涉深夜談空若有得參詩轉無暇短夢
回鐘聲曉色逗林罅

同作

施安

落日隱疎林寺門向秋閉嘉我同游人意外得
小憩山空夜氣沉風露溼幽砌徘徊待殘月湖

影澹無際我非杜陵翁但爲一宿計坐聞絡緯
啼蕭蕭滿薜荔嗒然欲忘言支纖同妙契

曉起坐契原草堂復用前韻

曉來風露最相關小立門前水一灣幾杵清鐘何
處寺滿湖寒碧欲沈山秋聲不在蒹葭外涼意都
歸竹樹閒莫作怱怱容易別詩成方便合同刪

同作

梁啟心

鐘聲破夢醒猶甘秋露秋風滿一龕昨夜難忘
水晶域前身疑住石門庵年來蠟屐真成癖曉
未覺貪檻外湖光如半月又飛空翠到

同作

顧之麟

百蟲聲裏夢蘧蘧一宿何嫌氣味孤
敲枕鄰鐘撼空壁開窗曉日上浮圖
未當清盥看山早已在諸天與世殊
眼底湖光淨如拭蘆根拍拍起飛鳧

同作

施安

合杳林巒露氣淨曉來倚檻認前遊
幾人方外消清福一榻山中看早秋
塵夢已隨疎磬斷詩情仍為妙香留
青蔬白飯尋常事好與三生作

話頭

同作

釋明中

古寺蕭森梵響遲露涼風細定回時
曉烟隔岍水猶靜初日到窗山自移
我笑無心頻出岫客憐清味又題詩
一重公案應須記好待秋深問阿師

尋鄭所南水南半隱

居顏本穴有誰諳鄭氏園亭在水南
幾葉墨蘭泥不污一腔心史筆無慚
寺遲清磬山重隔湖戀夕陽
東跡荒荒難意緒白雲先為我歸庵

三嘉秋萼小集

八月湖風吹水激柳絲烟浪綠層層憶牽荇帶招
來又得食萼羹記昔曾雁膳芳柔堪並譜龍涎膩
滑未生憎蕭蕭更補雪莊畫寒影一船秋共僧

梁谿父先生

文瀛

招集清勤堂前後古桂

七樹一時皆放香溢几牖各爲長歌以紀
其盛

月初月杪日復晴涼聲到處同秋清清勤老人有
風招破曉艇向烟波撐翛然一笠入西郭人家深
巷門還扃七株老桂溢風露槎枒正值香盈庭森
森散植草堂外刺檐榦影交縱橫小山瘦石憑徙
倚修廊矮榭便紆行徧揉黃雪恣鼻觀日斜互有
新詩呈

重九前一日同人南屏晚望

寺門攝幽意山重湖復重造化密區別少與人境
通晴烟頃明晦几席羅諸峰遠樹著酣色葉染霜
爲紅客來近重九興預登高濃相話日移晷故寫
難形容且養腰腳健明日吳山逢

九日朱太守

樟

招登吳山

我三 菴一登陟殊尋常青鞋布韞輿遙想恣相

羊ナニシク山境別聽眺強或立巉巖側或坐欹
樹傍或博或歌酒笑談情如狂三禪數居士不
忘輩行湖光澹無際江影秋空涼遙岑一抹青沙
洗寒潮黃去艇疾若駛帆趁晴雲張畢景豁無匿
遠近纖毫彰苦我詩思澀想被糕撐腸蕭蕭林欲
暮霜樹都斜陽

陸侍御秩招同汪徵士臺杭太史世駿顧

明府之麟陸貢士騰湖泛

湖晴四十日水落尺餘清淺不妨舟泊期同看畫
行亂山橫夕照黃葉下秋聲頃失前游處模糊烟

洗平

自西泠至東湖夜集張徵士雲錦藝舫

吾杭饒野趣平遠遜東湖海控天爲岼星繁水弄
珠昏黃城不禁酣暢話多殊明日遲歸棹畱詩待
補圖

十二月廿日自桐鄉還南屏次日雨雪交
作

月餘閑屐齒歸復整行滕鄉信隔來久梅花開未
曾湖從晴裏過山喜雪前登要識昨無雨天畱興
與

正 香露林有懷

昔游還記得八載屐重經村路依然曲僧廬改舊
扁乍晴林尚溼入野雨餘青深坐懷前侶蕭蕭竹
一庭

東湖嬉春曲

水田遙隔迴無鄰不愧高寒號主人黃園扁雜有
鳥聲酬客話合尋詩句記嬉春
天公乍暖又生寒廿四番風徧赤闌博陸祠前人
漫立十分花事恰當看
輕便最是小圈篷每泛東湖西復東忽遞佛香何

處寺船頭吹過煮茶風

偶來吳下值詩盟塔寺當湖結伴行也有村娃解
顏色花陰聞得頰兒聲

二月七日陸孝廉銘一葉貢士鑾招同周

上舍京厲孝廉鶚杭太史世駿施上舍安

吳上舍城泛舟東湖

郭門東出記曾同物外重期放短篷粥鼓遠敲烟
岍寺酒旗低颺麥畦風柳如繫日將春住湖不環
山任眼空水市夕喧爭渡處下河船發話怱怱

秀才守智飯予筠照軒傍午風霰交作

夕體得五古

我來近一旬頗不覺離索日復有朋從古歡赴佳
約晴泛東湖舟雨坐叢筠閣蕭蕭風霰聲寒影帖
墻落重添木葉衣暖稱勝狐貉化工無停機暄寒
異今昨寧不感遷流紛有紀時作

雨夜同施上舍安宿張徵士雲錦藝舫

數過城東路清齋一宿緣屐聲喧夜雨燈影暗茶
烟老屋今無恙故人詩可傳春帆三百里明發買
歸船

花朝日鮑秀才詢招集吟息齋

沮洳門巷澹晴曦路不辭遙夙有期花底燕翻風
不定橋南烟鎖艇來遲諧談自可消清晝會合頻
煩賦近詩記得昨宵初過雨一絲絲柳綠參差

陸上舍銘三齋中賦琴魚

客從宣城來千尾遠分餉云產自琴溪二月浮春
漲漁人網得之細略如脉望烹宜雜茗芥味不洽
鹽醬香生噓吸閒沫散旗槍上遐想琴高生高山
同景仰聞乘赤鯉歸清流空滉瀟我懷堂策聲尚
想圍洋狀

庚食集湖舫賦春水船

小
雨後船高幾尺可人懷載將垂柳陰無數驚起眠
鷗水一涯寺北山南撐已徧泊花深處共清齋

次韻答呂主事

翼高

詩人憐寂寞招坐綠陰中久雨甫開霽幽花然小
紅句元吾敢敵理礙客能空不肯遲蘿月栖心尚
未同

上巳日同人攜酒湖上酌顧月田先生墓
兼修禊事用楊鐵崖花游曲韻

紛紛紅雨香空濛樹頭樹底吹東風放艇教停裏
湖裏坳泮新添一篙水陰濃垂柳青繞門舊年曾
此聞湔裙繡林錦野恣野步低頭默祝先生墓先
生有靈魂應來酒波搖綠蒿侵杯天青色如祕磁
椀荒寺蕭蕭靜茶板記得水仙王廟西僕夫泉壁
曾畱題人生若爲探花使明日重尋月初四興懷
仗此衍波箋各寫上巳蘭亭篇

同金副使

志章

朱太守

樟

汪上舍

啟淑

話

舊春雨中修禊湖上晚歸南屏

又向黃妃塔下歸去年此日雨霏微鷗鳧泛泛還
相噉一戈扁舟泊不飛

詩
卷三
續谷亭看藤花

漲天麥浪搖清波一船曉載衝烟莎東城街術美
風日續續客爲藤花過修蛇絡影繪素壁濃香滿
架熏晴和何神出游淨天宇徧虛空界排蜂歌紫
英帖翠雜垂綴儼如象王瓔珞馱高繁掩映晝易
暝亂飛紅雨彌庭柯主人花下布瑤席我縱不飲
顏如醜物尚惜春綰春住巡檐蔓引紛婆婆同有
歸思漫歸去索句小立花前坡

茗溪舟中

絲絲楊柳漲溪雲兩岼漁罾曬夕曛溼綠濃於新
畫就何殊一幅李將軍
不如歸去勸幽禽一路新晴到武林天恰教人蓬
底坐茗川昨夜雨添深

四月一日燒筍餉客

暄寒恰恰稱清和燒筍爲餐供客過似惜餘春同
啐啄尚憐清味快吟哦階穿碧蘚教齊斲檐補新
陰剩幾科記取明年重會合短籬疎處話烟蘿

午睡

形影輕安薜荔裳蘭熏毛髮洽雲香剎那夢醒非
前境一對
多綠涼

詩四
三
三
秋卜周上舍京金副使志章厲孝廉鶚

梁太史啟心施上舍安吳上舍城汎舟至

湖心寺

清聲撼撼徧巖阿。取次招尋古寺過。隔浦秋光明
斷塔。一船涼影蕩殘荷。塵埃夔絕心常靜。雲物俱
空水不波。最愛幾家楓柏底。霜酣畱得夕陽多。

同石東村先生永寧過佛影居

覓句來村寺幽尋水一方。蔬當秋愈綠。霜未葉先
黃。修竹有深意。清聲時過墻。欲歸仍小駐。短棹戀
斜陽。

重登靈巖

壬子年詩壁尚畱模糊難讀竹。增修蒼松且喜青。
仍在舊雨無從昔共遊。一水鏡天涵萬象。空廊落
葉響殘秋。撥雲瘦策當高指。七十餘峰拜下頭。

次厲孝廉過訪韻奉酬

浴回盤數折。曲徑隱深松。礪戶叩三下。幽人來萬
峰。年餘隔高唱。春至忽相逢。山色當餐飯。無嫌澹
泊供。

原作

厲鶚

經年阻幽踐。覓路出高松。湖色浮空曲。雲陰過

別峰禪餘寒尚在話久午初逢自笑瘦居士偏
宜筍蕨供

次韻荅周上舍

我與琴公懶說心門前芳草任伊深鐘聲向塞虛
空耳何必南屏寺裏尋

訪琴虛上人適讓公在座 周 京

慙到禪林生隱心已公茅屋坐來深相逢忽見
南屏老不是鐘聲沒處尋

新柳次韻

隄柳關情甚依依若待攀樊榭時將北上色纔勻昨雨絲



原件短缺

P13后缺

